

## КОМИ КОМСОМОЛЕЦ

## МУДЗЛЫТӨГ ГӨТӨВИТНЫ КОМСОМОЛЕЦЪЯСӨС ПАРТИЯӨ

Ленинско - Сталинскöй комсомол уставын гижöм, мый „ВЛКСМ примыкайтö ВКП(б) динö, эм сылөн резерв да отсасысь. Большевистскöй партия вескöдлöм улын ВЛКСМ воспитывайтö томйöзöс коммунизм сямöн, котыртö сийöс советскöй власть гөгөр“.

И водзö:

„Комсомолец лыддö аслыс зэв ыджыд чествöн лоны ВКП(б)-са шленöн да аслас став уджöн да велöдчöмöн гөтөвитö асьсö сийö радъясö пириг кезлö“.

Таысь должен петны комсомольскöй организацияслөн став воспитательнöй уджыс, кодöс сийö котыртö комсомолецъяс да несоюзнöй томйöз пöвсын.

ВКП(б) устав, кодöс примитöма XVIII-öд партийнöй съездöн, нöшта вылö кыпöдö комсомоллысь рольсö, кызди большевистскöй партия резервлысь да отсасысь.

ВКП(б)-лөн выль устав сетö право пырны партияö 18 арöссянь. Тайö вöвлытöма кыпöдö комсомоллысь кывкүтöм комсомолецъясöс да став советскöй томйöзöс идейно-политическöя воспитайтöмысь, обязывайтö став мераясöн бурмöдны да ёнмöдны комсомольскöй организацияслысь удж.

ВКП(б) XVIII-öд съездлөн уджыс, сылөн шүмъясыс, партиялөн выль устав вöвлытöма кыпöдöсны комсомолецъяслысь да томйöзлысь политическöй активностсö. Советскöй томйöз сёясöн сетöны шыöдчöмъяс ВЛКСМ радъясö пырöм йылысь, медым Ленинско-Сталинскöй комсомол радъясын гөтөвитны асьнысö партияö пириг кезлö, медым получитьны комсомолын сийö качествомсö, кодö торйöдö да мичмөдö большевикöс — скромносты, көрт дисциплина, принципальносты, став да быдсикас врагыс динö миритчöтмун. Сидз, сöмын öти Сыктыв районын таво (январь 1 лунсянь) комсомол радъясö примитöма 214 мортсö.

Комсомолецъяс да комсомолкаяс асьныныс кытысь политическöй активностсö петкөдлöны сыын, мый найö көсйöны пырны ВКП(б) радъясö, медым сийö радъясын нöшта активнöй-джыка тышкасыны миян странаын коммунистическöй общество стрöбитöм вöсна. Тавося 5 тöлысьöн райкомолъясын да горкомол-

ын видлалöма 440 комсомолецлысь шыöдчöм партияö пырöм вылö рекомендация корöм йылысь да сетöма рекомендация 424 комсомолецлы. Торйөн бура та кузя уджалöны Емдинса да Шойнатыса райкомолъяс.

Но тайö делöас эмöсь и гырысь тырмытöмторъяс. ВЛКСМ райкомъясса öткымын вескöдлысьяс эз гөгөрвоны ВКП(б) выль уставлысь смыслсö да Жданов ёртлысь индöдсö и воддза мозыс нуöдöны важ практика — комсомоллысь ву-джöдöны партияö сöмын 25—26 арöса комсомолецъясöс, мөднөгöн кө переросткъясöс. Сидз, например, Сыктывкарса горкомол сетис 5 тöлысьöн 101 рекомендация и на пöвсын сöмын 10 морт 18—22 арöсасö, а мукöдыс сидз шусяна переросткъяс.

Мөд ыджыд тырмытöм-торйөн колö пасйыны сийö, мый партия радъясö рекомендуйтöмъяс пöвсын зэв этша нывкаяс. Тайö вись-талö сы йылысь, мый комсомольскöй организацияс тырмытöма уджалöны нывбаба томйöз пöвсын.

Но такöд тшöтш öткымын райкомолъяс кызди Летияса да Изьваса, вообще слаба уджалöны медбур комсомолецъясöс партияö гөтөвитöм кузя.

ВЛКСМ ЦК-лөн VIII-öд пленум быд комсомольскöй организация водзö сувтöдис зэв гырысь могъяс. Сийö аслас уджын гижис:

„ВКП(б)-ö примитан выль условиеяс пунктöны комсомольскöй организацияс вылö ыджыд кывкүтöм комсомолецъясöс да комсомолкаясöс идейно-политическöя воспитайтан, найöс большевистскöя закалитан делöысь.“

Пленум обязывайтö став комсомольскöй организациясöс быдлун воспитывайтны комсомолецъяслысь большевистскöй качествомсö, гөтөвитны ВЛКСМ шленъяслысь медбур водзынмунысь юкөнсö ВКП(б)-ö пириг кезлö“.

Могыс öнi сыын, медым став мераясöн ёнмöдны да бурмöдны комсомольскöй организацияслыс уджсö, нöшта бурджыка котыртны комсомолецъясöс да советскöй томйöзöс идейно-политическöя воспитайтöм да муздытöг гөтөвитны медбур комсомолецъясöс партия пириг кезлö.

КОККИНАНИ ДА ГОРДИЕНКО ЁРТЪЯС МАЙ 21 ЛУНÖ ПЕТИСНЫ ПАРИЖЫСЬ

ПАРИЖ, 20. (ТАСС). Май 21 лунö Коккинаки да Гордиенко ёртъяс петисны Москваö.

Парижскöй печать советскöй лётчикъяслы пыр торйөдö ыджыд внимание.

## ТОМЙÖЗЛÖН ФЛОТÖ МУННЫ КÖСЙÖМ

СЕВАСТОПОЛЬ, 20. (ТАСС). ЛКСМУ нима Севастопольскöй военно-морскöй училищө быдлун воö 600 саяс письмö том советскöй патриотъяссянь—Москваысь, Архангельскысь, Владивостокысь, Новороссийскысь, Бакуысь да страна мукöд каръясысь да сиктъясысь.

Том патриотъяс асланыс письмöясын висьталöны көсйöм йылысь лоны доблестнöй командиръясöн СССР-са вына Военно-Морскöй Флотын.

## „СССР ВР—61“ АЭРОСТАТЛÖН ЛЭБЗЬÖМ

НАВОЛОКИ (Ивановскöй область), 20. (ТАСС). Тöрыт 21 час 10 минутын московскöй аэродромъясысь öти вылысь вöлi сетöма „СССР ВР—61“ сферическöй аэростатлы Москва—асыв-вой направление маршрут кузя старт. Аэростат бортын вöлiны штурман первой пилот И. И. Запольский, инженер-воздухоплаватель А. С. Масенкис да пилот-инструктор А. И. Рошин ёртъяс.

Талун аэростат благополучнö пуксис 250 метр сайö Ивановскöй областса Наволокскöй районса Челесничково сиктсаянь. Экипажлөн состав бодрöй, здоров. Инструментъяс да приборъяс полнöй исправностыын.

Аэростат сынöдын олiс 18 час 30 минут.

## ВЕРДЕ ДI ВÖЙÖ ОКЕАНÖ

Нью-Йорк, 20. (ТАСС). Маниласянь (Филиппинылөн главнöй кар) Асошиэйтед пресс агентство юөртöм серти Тихöй океанын Верде дi друг заводитiс öдйö вöйны океанö. Дi вывса нель сюрс население эвакуируйтсö.

Верде — Филиппинскöй архипелагса неыджыд дi, расположитчöма Лусон да Миндоро дiяс костын (Маниласянь 110 гөгөр километр сайын).

## МÖДÖДÖМА КЫК БУКСИР

ЕМДИН, 21 (Телефон пыр): Емдин сплавконтораөн талун Котласö мөдöдöма первой кык буксир. Тайö кык буксирас мунiс 12 сюрс 800 кубометр древесины. Буксиръяс гөтөвитöмын уджалöны 532 морт.

Вөрпромхозöн сплавучастокö сдайтöма нин 127 сюрс кубометр вөр.

Тесов.



СНИМОК ВЫЛЫН: Кырув НСШ-са (Сыктывкар) учительница Александра Аристарховна Кайдалова, кодöс наградитöма Трудовöй Краснöй Знамя орденöн.

## ТОМЙÖЗЛÖН ВОЖАК

Некымын во нин Кибра сиктса Киров нима колхоз бердса первичнöй комсомольскöй организация петкөдлö образцовöй удж производство вылын. Колöм вося арын вөрлөдзан сезон заводитчöмсянь комсомолецъяс примитiсны активнöй участие вөр пөрөдöмын да кыскöмын. 22 морта комсомольскöй бригада петкөдлiс организованностылысь пример Коми республикаса став комсомолецъяслы.

Вөрö кайöм мысти комсомольскöй бригада босьтiс көсйысьöм сөвтны, кыскыны да ректыны 41 сюрс кубометр вөр. Эз омöля уджавны комсомолецъяс. Бригадаса быд шлен лунъя нормаясö тыртiс 150—200 прöчент вылö. Торъя комсомолецъяс лунъя нормасö тыртiсны 300 да унджык прöчент вылö. Бригадаса шленъяс сезон чөжөн тыртiсны 120—130 нормаөн морт вылö.

Кокшаров.

## БРИГАДА ЛÖÖ ОБРАЗЦОВÖЙÖ Н

Менам бригадаын пöшти ставыс комсомолецъяс. Гажаа да долыда ми олам асланым бригадаын. Бригадаса шленъяс кужöны долыда колявны прöсткад. Но найö кужöны и бура уджавны. Колöм во ми медводз став республика пасыта помалiм первичнöй кылöдчöм. Бригада бура

Кылöдчöм заводитчöмсянь комсомольскöй бригада пыр жö переключитчис кылöдчан уджъяс вылö, босьтiс көсйысьöм катайтны 200 кубометрөн морт вылö да пуръялöмөн кылöдны Сыктывкардз 8.800 кубометр вөр. Комсомольскöй бригадаö лон кыскöма кык том мортсö.

Бригада асьыс көсйысьöмсö пöртö олöмö. Сийö срокысь водзджык помалiс вөр катайтöм да аварияс-тöг да воштöмъяс-тöг кылöдiс ю устьөбдз 15.000 кубометр вөр.

Киров нима колхозса комсомольскöй организация производство вылын активнöя участвуйтöмкөд тшöтш нуöдö ыджыд политикос-воспитательнöй удж колхозса томйöз пöвсын. Сийö збылысь томйöзлөн вожак, быд уджын петкөдлö асьыс водзмöстчöм.

Василий Некрасов, комсомолец, бригадир.

Кибра, Сыктыв район, Киров нима колхоз.



## Вöрын уджалысь КОМСОМОЛЕЦЬЯСЛЫ ОТСÖГ

ВЛКСМ ЦК VIII-öд пленум шудмьясöн тöдмасьöм бöрын мян „Комилес“ трестса комсомольскöй организация босьтчис вöрын уджалысь комсомолецьяслы отсасьöмö. Кряжскöй механизированнöй вöрпунктса комсомольскöй организациялы практической отсöг сетöм могысь ми выделитим комсомолец А. А. Темноев ёртöс.

Практическöй отсöг сетам сідз жö и Койгорт механизированнöй вöрпунктса комсомолецьяслы. Неважөн налы ыстим 10 экземпляр „ВКП(б) история краткöй курс“ учебник, тетрадьяс да с. в. Но колö шуны, мый Койгорт механизированнöй вöрпунктса комсомолецьяскöд йитöдыс тырмытöм на. Водзö тайö

йитöдсö ми паськöдам да ёнмöдам, кызди Койгортса, сідзи и Кряжскса комсомолецьяскöд.

ВКП(б) XVIII съезд да ВЛКСМ ЦК VIII-öд пленум шудмьясöн несоюзной томйöзсö тöдмöдöм могысь индöма 6 подготовленнöй комсомолецöс.

ВКП(б) XVIII съездлөн да ВЛКСМ ЦК VIII пленумлөн шудмьясыс кыпöдöны политической активность комсомолецьяслыс да несоюзной томйöзлыс. Бөрья кадö лон сетöма 4 комсомолецлы партияö пырöм вылö рекомендация да примитöма комсомолö кык том мортöс.

Суслов.  
„Комилес“ трестын ВЛКСМ комитетса секретарь.

## Товарооборот план тыртöм вöсна

ВКП(б) XVIII-öд съездлысь материалъяс получитьöм бöрын пыр жö Коми потребсоюзын вöлі котыртöма съездовскöй материалъяс пыдіа велöдöм. Первой вöлі нуöдöма öтүвья партийно-комсомольскöй да профсоюзной собранияяс, сы бöрын учреждениеын кутисны мунны коллективной читкаяс, наглядной пособияясöн пользуйтöмөн.

Такöд тшöтш комсомолецьяс Чарин, Попов, Меньшикова да мукöдьяс босьтчисны съездовскöй материалъяс, Сталин, Молотов да Жданов ёртьяс.

лысь докладьяс изучайтны самостоятельнöй.

ВКП(б) XVIII съездлысь материалъяс изучайтöм вöвлытöма кыпöдис Потребсоюзын уджалысь томйöзлысь политической да производственной активностисö. Коймöд Сталинскöй Пятилетка нима социалистической ордйысьöмö босьтöмөн, Потребсоюзса работникьяс сетисны кöсьысьöм Сталинскöй Конституция лун кежлö тыртны розничной торговля кузя товарооборотлысь план.

В. Чумаков.

## Чугаев ёрт уджалö омöля

Гриваса лыддысян керка дінö (Сыктыв район) вöтöдз на кылан избач Чугаев ёртлысь гөлöссö. То сійö видö кодöскö, то вöтлö лыддысян керкаыс:

— Немтор тан тиян вöчысö. Петöй вай,—горзö

сійö колхозникьяс да колхозницаяс вылö.

Колхозникьяс ёна недовольствуйтöны сійö уджөн. Сы пыдди, медым лыддысян керкаын культурной шойччыны, сэн сöмын видчöны. Ко мсомолецьяс.

## ПРОПАГАНДИСТСКОЙ УДЖ СЫКТЫВКАРЫН

Сыктывкарса комсомолецьяс пöвсыс унаöн серьёзнöй изучайтöны большевистскöй партиялысь героической историясö, овладевайтöны большевизмөн, кыпöдöны ассыныс политической тöдöмлуньясö, вооружайтöны общество развитие законьяс да революциялысь движущой выньяс тöдöмлунөн.

Сідз, Потребсоюзса комсомольскöй организацияыс секретарь В. Д. Чумаков ёрт помаліс мöд звено серти „ВКП(б) история краткöй курс“ изучайтöм да öні заводитіс изучайтны высшей звено серти. „Краснöй водник“ затонса комсомольскöй организацияыс комсомолка Рочева ёрт самостоятельно изучайтö ВКП(б) историялысь квайтöд глава. Сійö бура посещайтö лекцияяс да консультацияяс, пользуйтö марксизм—ленинизм классикьяслөн трудь-

ясöн да дополнительной материалъясöн. Автогужтрестса комсомольскöй организацияыс комсомолец Зверев ёртизучайтö нин 4-öд глава да сетö отсöг и аслас организацияса мукöд комсомолецьяслы. Татшöм ёртьясыс карса организацияын абу этша.

Тайöс петкөдлö кöть нин сійö, мый Сыктывкарын вузалöма 5 сюрс сайö экземпляр „ВКП(б) история краткöй курс“ книга да сыыс унджык получитьöма разнöй журналъяс да газетьяс, кöні печатайтис „ВКП(б) историялөн краткöй курс“. Таыс кындзи книжнöй магазин да киоскьяс пыр бөрья кадын вузалöма 9.600 шайт дон марксистско-ленинскöй литература. И тайö литература вылас спросыс пыр содö.

Но, такöд тшöтш карса комсомолецьяс пöвсыс да торйөн активистьяс пöвсыс ыджыд юкөн велöдчö дзик тырмытöма.

Тайö лон сы вöсна, мый öткымын комсомольскöй организациясса сек-

ретарьяс да торйөн нин ВЛКСМ горком „контроль установитöмысь полöмөн“ комсомолецьяс пöвсын политической образование делö котыртöмөн оз занимайтчыны, либö пыр сёрнитöны важ моз ставсö да быдлаын „шымьртöм“ йылысь, а конкретнöй быдлунья практической удж торйөн быд комсомолецкөд абу.

Сідз, например, Наркомзем бердса комсомольскöй организацияын ставыс 38 комсомолец, на пöвсыс ВКП(б) история самостоятельнö изучайтны кöсьыс-лісны 34 комсомолец, но öні комсомольскöй организацияса секретарь Смолев ёрт да сылөн вежысь Елина ёрт оз тöдны, коді кызди велöдчö.

Сідз жö оз представляйтны мый вöчсьö организацияын марксистско-ленинскöй теория изучайтöм кузя „Комилес“ трестса да Автогужтрестса комсомольскöй организациясын секретарьяс Суслов да Козлов ёртьяс. А горкомолса пропаганда да агитация отделын юралысь Шиханов ёрт лыдпасьяс вылö видöдöмөн, мый карса комсомо-

лецьяс пöвсыс 1.620 морт кöсьöны самостоятельнö изучайтны ВКП(б) история, успокоитчис. Сійö, тыдалö, и збылысь думайтö, мый кöсьöма кö, сідз кö сійö ставыс и беспокоитчыны нинöмла, позьö овны спокойнöй. И сійö збылысь некодöс оз беспокоит дай асьсö оз беспокоитны комсомольскöй организацияыс секретарьяс.

Комсомольскöй организацияса секретарьяс Смолев, Суслов да Козлов ёртьяс висьталöны, мый Шиханов ёрт на дінö эз на волю, ни эз юавлы, мый жö вöчсьö тайö организацияыс комсомолецьяс пöвсын пропаганда делö котыртöм кузя.

Нöшта омöльджык делöыс кружокьяс уджөн веськөдлöм кузя. Шиханов ёрт лыдлö, мый карын уджалö ВКП(б) история велöдöм кузя 5 кружок да мый наöн шымьртöма 130 мортöс, политграмота кузя 9 кружок да сэтчö шымьртöма 80 мортöс, но збылысьсö öні карын ни öти кружок бура оз уджав. Сідз, Шиханов ёрт шуö, мый бура уджалö Автогужтрестын ВКП(б) история велöдöм кузя кружок, но фактъяс

## МЯН ВЕЛАД

Койгорт вöрпункса рабочöйяс да интеллигенция (Сыктыв район) пöся встретитисны Осоавиахимлысь 13-öд лотерея. Вöрпунктын Р. И. Горислав аслас гöтыркöд нöбисны 90 шайт дон лотерейнöй билет. Комсомолец Николай Ситкарев нöбис 50 шайт дон, Г. Чугаев 60 шайт дон да тракторист Бондырев ёрт 15 шайт дон.

В. Ульянов.

## Ньöбалöны лотерейнöй билетьяс

Неважөн Павлик Морозов нима пионер отрядлөн вöліс общöй сбор. Пионерьяс сёрнитисны отрядын оборонной удж бурмöдöм йылысь. Такöд тшöтш обсуждайтисны Осоавиахимөн 13-öд лотерея лэдзöм йылысь. „Пионерская правда“ нима звеноса пионерьяс шыöдчисны 13-öд лотереялысь билетьяс ньöбны быд пионерлы, не этшаджык öти шайт доньыс. Тайö звеноса пионерьяс чукöстисны отрядыс став пионерьясöс.

Сем Вань,  
Спаспоруб, Ракинскöй школа.

## Гöтöвитöма 10 значкистöс

Гагшорса начальнöй школаын (Сыктыв район) апрель тöлысьö вöлі котыртöма БГСО кружок, кытчö воывлісны 4-öд класса велöдчысыс. Велöдчысыслөн интерес зев ыджыд. Вольвлісны найö бура. Май 1 лун кежлö БГСО значок вылö сдایتисны нормаяс 10 морт, на пöвсыс „отлично“ вылö Колипова да Карманова.

Челядь БГСО кружокын занимайтчöны и öні

Костин.

Коковкин.

## ВÖР КЫВТÖ СЫКТЫВ ЮÖД

ВИЗИН, 21. (Телефон 20 лунö 2 пур—374 кубометр. Став кылöдчан уджьяс вылын—пурьяс гöтöвитöмын да кылöдöмын—районнын уджалö 346 морт.

## ВÖР КЫВТÖ СЫКТЫВ ЮÖД

ВИЗИН, 21. (Телефон 20 лунö 2 пур—374 кубометр. Став кылöдчан уджьяс вылын—пурьяс гöтöвитöмын да кылöдöмын—районнын уджалö 346 морт.



## КОЛХОЗНОЙ МУЯС ВЫЛЫН ГӨРӨМА 316 ГЕКТАР,

Паджга МТС-лы воис боевой удж. Некумын лун нин тракторьяс гөрөны колхозной муяс. Май 20 лун кежлө тракторьясөн мягккой пахота вылө ву-джөдөмөн гөрөма 316 гектар. Гөрны петисны став тракторьяс. Тайо лун кежлө Габов ёртлөн 5-өд но-мера бригада гөрис 19,13 гектар, Степанов ёртлөн бригада 27,7 гектар да Мих. Юркин ёртлөн бригада 151 гектар.

Муяс вылө медводз петисны Лёзым да Сёска сиктса колхозьяс. Май 20 лун кежлө гөрны заводитисны став колхозьяс.

Распутина.

## Медводзын „Виль вын“ колхоз

Май 18 лунө Көрткерөс-са МТС-ыс муяс вылө петисны 8 трактор. Май 20 лунө уджалисны нин став тракторьясыс. Гөрөм кузя медся водзын мунёны Лопыдин сиктса „Виль вын“ да Мордін сиктса „Сталин призыв“ колхозьяс. „Виль вын“ колхозын май 20 лун кежлө гөрөма 21,5 гектар да көдзөма 3,5 гектар. Гөрөны сидз жө Мордін сиктса „Пионер“ да „Трактор“ колхозьясын.

Гөрны петөмөн нюжмасыны Додз сиктса колхозьяс. Май 20 лун кежлө тайо сиктсөвет улас эз на вөв гөрөма ни өти гектар.

Потапов.

## 8,5 гектарөн лун

Абъячойса МТС-ыс (Луз районны) комбайнер-стахановец Г. Г. Попов Коймөд Сталинской Пятилетки нима социалистической ордены сьомө босытчөмөн, ассыс лунья нормаясө тыртө содтөдөн. Уджавны петөм-сянь НАТИ трактор вылын сийө быд лун гөрө 8,5 гектарөн 5,5 гектар норма дырйи.

## ПЕТИСНЫ МУЯС ВЫЛӨ

Шойнаты районса колхозьяс петисны муяс вылө. Май 18 лунө Поддельной сиктса колхозьясын вөли гөрөма 20 гектар. „Красноармеец“ колхозын май 19 лунө гөрөма 30,98 гектар да көдзөма зерновөй куль-тураяс 17 гектар вылө. Гөрөм кузя стахановецьяс лунья нормаясө тыртөны 200 прөцент вылө. Алексей Иванович Королев өти лунө гөрис 0,9 гектар, Михаил Королев—0,79 гектар.

## Көдза кежлө абу дасьөсө

Межадор сиктса (Сыктыв район) колхозьясын тувсов көдза кежлө большевистской лөсьөдчөм өнөдз на эз тыдав. Сөмын өти колхоз „Рытъя кыа“ дась петисны муяс вылө. Тайо колхозас тырвыйо заптөма кыйдыс, ремонтируйтөма инвентарь.

Бөрө кольоны „Вадор“ да „Виль олом“ колхозьяс. „Вадор“ колхоза председатель Сажин ёрт оз тбждыс тувсов көдза кеж-лө лөсьөдчөм вөсна. Тайо колхозас оз тырмы карту-пель кыйдыс дай мукөд кыйдыс. Кыйдыс оз тырмы и „Виль олом“ колхозын. Колхозса председа-тель Морозов ёрт спокой-ноя висьталө—„мыйда пө эм, симында пө и көдзам“.

Тайо колхозьясас эм и комсомольской организа-цияс, но найо омөля ин-тересуйтчөны производ-ственной вопросьясөн.

Н. Турубанов.

## 9 отличной отметка

Школаясин мунёны про-верочной испытаниеяс. Май 20 лунө Сыктывкар Кыру-са неполной средней шко-лаын 7-өд класса велөд-чысъяскөд вөлис нудөма алгебра кузя письменной удж. 25 велөдчыс пөв-сыс өкмыс морт письмен-ной удж гижисны „отлично“ вылө, дасөн „хорошо“ вы-лө, витөн „посредственно“ вылө да өти получитис „плохо“.

Письменной удж „отлично“ вылө гижысъяс пөвсын: Вежов Вячеслав, Буткин Николай, Кипрушев Влади-мир, Юшкова Анна, Кызро-дев Михаил да мукөдьяс.

Төрыт, май 21 лунө му-нисны испытаниеяс 4-өд, 5-өд да 6-өд классьясын роч кыв да математика кузя.

## Ёнмөдам рөдиналыс вынйөр

Сыктывкарса физкуль-турникьяс активная участ-вуйтөны Осоавиахимлөн 13-өд Ставсоюзса лотерея-ын. „Динамо“ спортивной обществоса физкультур-никьяс лотерейной билет-яс реализуйтисны 1.200 шайт дон. Физкультура да спорт кузя республиканской комитетын уджалыс Исак-ков ёрт билетяс ньобис 65 шайт дон, инструктор Бессонов ёрт 60 шайт дон, „Лесосплав“ обществоса инструктор Молодцов ёрт ньобис 40 шайт дон.

М. Б.



Максаковка комсомольско-молодежной бригадасы шленьяс лыддөны виль газет.

## Оправдайте ыджыд награда

Наркомпросьян чолөмала-на телеграмма получить да некыдз эг верит, мый тайо менө наградитөма „За тру-довую доблесть“ медальөн. Верми өмөй ме мөвпыш-тыны, мый менө, голь кре-стьянин пйөс, сиктса учи-тельөс, правительство наг-радитас татшөм ыджыд наградаөн? Сөмын мян-странаын, кодөн веськөдлө коммунистической партия, мян гениальной вождь да учитель Сталин ёрт, сетө-ма учительлы сэтшөм честь да доверие, советской учи-тельяс водзын восьса паськыд, югыд туй. Почет-ной да благородной уджыс советской учительлөн. Со-ветской учительөс кытша-лөма ыджыд тбждлунөн. Мян странаын уна сюрс учительяс пуктөны став вынъясө да тбдөмлуньяс-сө быдыссь покоениеөс велөдөм да воспитайтөм вылө.

Ме—том учитель, школа-ын уджала сөмын на нель-во. Ме ассым удж радей-та, радейта ассым школь-никьясө, школа. Ме став сьблөмсян старайтча че-лядьын воспитайтны мян рөдина динө, партия динө да радейтана вождь да учитель Сталин ёрт динө

помтөм радейтөм да пре-данность.

Ме, кыдзи комсомолец да кыдзи комсомольской организацияс секретарь, ыджыд удж нудөа сидз жө комсомолецьяс да велөд-чысъяс пөвсын. Ыджыд внимание торйөда комсомо-лө виль пырыс йөз пөв-сын уджлы.

Менө быдтис Ленинской комсомол. Комсомолын ме 1931-восянь. ВЛКСМ рай-ком меным сетис ВКП(б) радьясө пырөм вылө ре-комендация. Онй ме—ВКП(б) шленө кандидат. ВКП(б) радьясө пырөм да правительстволөн ыджыд награда обяывайтөны менө нөшта ыджыд энтузиазмөн да энергияөн босытчыны челядьөс коммунистичес-кой воспитайтан делөб. Пукта став вынъяс ВКП(б) XVIII съездлыс шуөмъяс олөмө пөртөм вылө. Кута миритчытөг тышкасъян на-родлөн быдсикас врагьяс-көд.

Ме выражайта помтөм благодарность мян рөднөй большевистской партиалы, советской правительстволы да дона Сталин ёртлы ыджыд награда сетөмыс.

Вотча НСШ-са учитель Андрей Ефимович Торопов.

## ТОМ ПАТРИОТ

Миша Устиновөс Емдин-са педучилищын тбдөны быдөн. Сийөс тбдөны не сөмын кыдзи велөдчыс-от-личникөс, но и кыдзи обо-ронной уджын энтузиастөс, чуткой, отзывчивой ёртөс.

Устинов ёрт велөдчө сө-мын „отлично“ вылө да получайтө персональной стипендия. Отличной ве-лөдчөмыс Мишаөс вөли унаыс премируйтөма. Ле-нинской комсомоллы 20 во-тыран юбилей дырйи сийөс вөли премируйтөма 70 шайт сьбөмөн, а ВЛКСМ обком премируйтис „Турист“ фото-аппаратөн.

Миша Устинов активная участвуйтө оборонной удж-ын. Сийөс сдایتис нин ПВХО,

ВС да ГСО значокьяс вы-лө нормаяс. Онй Миша Ус-тинов лөсьөдчө сдایتны II-өд ступеня ПВХО значок вылө да ГТО значок вылө нормаяс.

Кор педучилищө вайис-ны Осоавиахимлыс 13-өд лотерейной билетяс, Ус-тинов ёрт активная кутчы-сис билетяс реализуйтөмө. Талун кежлө сийө реали-зуйтис нин 511 шайт дон.

Устинов ёрт мөвпалө ло-ны социалистической рөди-на дорйысөн, Красной Ар-мияса боевой командирөн. Сийө сетис шыөдчөм мунны военной школаө да сидз жө „отлично“ вылө сдایتны зачетьяс.

А. Ра-мыслов.

## Коми АССР-са Совнаркомын

Коми АССР-са Совнар-ком видлалис да вынсьбөдис 1939 во вылө Коми АССР-ын челядь пөвсын гожся оздоровительной мероприя-тияеяслыс план. Шуөма котыртны 68 пионерской лагерь, 2 санаторий, 58 оз-доровительной площадка, ставсө 6188 челядьөс шы-мыртөмөн.

Сидз жө вынсьбөма гож-ся оздоровительной меро-приятияс финансируйтөм-лыс план, кодлөн общөй суммаыс 543.488 шайт.

Совнарком обяжитис со-ответствующий наркомат-ясөс онй жө заводитны че-лядь пөвсын гожся озоро-вительной мероприятияяс нудөдг кежлө лөсьөдчөм: Наркомпрослы тшөктөма подберитны да выделитьны пионерской лагерьяслы вос-питательясөс; Наркомздрав-лы—обследуйтны лагерьяс котыртан местаяс да выде-литны медицинской работ-никьяслыс колана лыд; Наркомторглы—обеспечит-ны пионерской лагерьяс, санаторияс да площадкаяс колана сөян продуктаясөн; Наркомземлы—сетны дирек-тива став райземотдельяс-лы, МТС-яслы да колхоз-ьяслы колхозной да меж-колхозной пионерской ла-герьяс да площадкаяс ко-тыртөмын да нудөмын практической отсөг сетөм йылыс.

Совнарком тшөктис сидз жө Кинофикация да Искус-ство кузя управлениеяслы составитны план пионер-ясөс да школьникьясөс гожся кадө культурноя об-служивайтөм кузя. Физ-культура да спорт делөяс кузя республиканской ко-митеты профсоюзной орга-низацияскөд да обкомол-көд өтыв гөтөвитны пио-нерской лагерьяслы да пло-щадкаяслы 70 физкультур-никөс.

Челядь пөвсын гожся оздоровительной мероприя-тияеяс котыртөмлы ыджыд политической тбдчанлун сетөмөн, Совнарком тшөк-тис Печорской окриспол-комлы, Сыктывкарса гор-советлы, райисполкомьяс-лы, сиктсөветьяслы, кол-хозьяслы да став хозяй-ственной организацияяслы сетны став мераясөн пра-ктической отсөг гожся оз-доровительной мероприя-тияеяс успешной нудө ан делөын.

## Испытаниеяс сдайтам бура

Мян, Вотчаса НСШ-ыс пионерьяс да школьникьяс ыджыд кыпыдлунөн встре-титисны проверочной испы-таниеяс. Пионерьяс да школьникьяс пуктисны ас водзас мөг—испытаниеяс сдایتны сөмын „отлично“ да „хорошо“ вылө. Мянн школаын оз ло ни өти вто-рогодник.

Пешкин, 6-өд класса велөдчыс.

Коми комсомолец  
№ 71 — 3



ФИЛЬМ „ЩОРС“ ЭКРАН ВЫЛЫН

## Збыльмисны сылөн мөвпьясыс

Лөссыд лон овны миян социалистическый рөдина-ын. Великый Сталинскый Конституция сетис миянлы удж выль, велөдчөм выль да шойччөм выль право. Коймөд Сталинскый Пятилеткаын ми завершатам миян странаын социалистическый общество стрөйтөм. Тайө бур олөм вöснаыс и тышкасис большевик Щорс. Сийө мөвпалис:

— Колясны вояс. Пома-сяс революция, да кутасны овны му вылын йөз-вокъяс. Лөнъ рытъяс да шоныд войяс кутасны гуляйтны көнкө Чернигов дорын нывкаяскөд интернациональнөй хлопецъяс. Нежнөя кутлас сәки кутшөмкө карөй синма нывка ассыыс чубатөй генийсө, пуктас ассыыс юрсө сылы морөс вылас да шуас: „А öнi сьылам народнөй сьыланкыв великөй революция йылысь“. И кутасны найө сьывны миян йылысь... И кыптам ми нэмъяс сединаыс да мунам вынйөра стрөйдөн“...

Збыльмис геройлөн мөвп-ыс. Некор, некор сийө оз кус.

Пахомовский, Кинотеатрса культработ-ник.



Орловскөй областъса Клиницы карын лөб сувтөдөма гражданскөй войнаса легендарнөй полководец Николай Щорслы памятник. СНИ-МОК ВЫЛЫН: Н. А. Щорслөн скульптура, код серти лөб вөчөма памятник.

## „Не тикай, пан, бо судьба тебя догоняе“

... Муяс кузя котралөны всадникъястөм вөвъяс. Партизан Черняк судөд офицер-карательсө, кыпөдө сы выль дзирдалан шашкасө да, „Не тикай, пан, бо судьба тебя догоняе“ кывъясөн, кералө сийөс.

Народлөн победаын уверенностөдн, найө обреченностөдн, кодъяс кыпөдисны свободнөй народ выль меч, йиджтысьөма став фильмыс. Сийө воспитывайтө помтөм радейтөм асланым рөдина динө, советскөй правитель-ство да Ленин—Сталин партия динө. Ни öти враглы не таявны миянлысь му.

Легендарнөй герой Щорс-лөн образыс некор оз кус. Сылөн образыс—сийө выль мортлөн образ, Ленин—Сталин партия делө вöсна, народнөй шуд вöсна, радостнөй будущөй вöсна бескорыстнөй, бесстрашнөй борецлөн образ. Ми көсьям лоны сэтшөмөн жө, кутшөмөн вөли Щорс. Тайө фильм вылас долженөсь воспитывайтчыны миян физкультурнөй томйөз.

Исаков,

Физкультура да спорт ку-зя республиканскөй коми-тет.

## БЕССТРАШНӨЙ ПОЛКОВОДЕЦ

Ыджыд волнениеөн ме видзөдi кинофильм „Щорс“. Ме аддзыли экран вылысь гражданскөй войнаса славнөй геройсө, бесстрашнөй полководецсө, большевиксө, кодi сетис ассыыс олөм-сө народлы.

Николай Щорслысь рольсө ворсө артист Самойлов. Сийө ыджыд пöсьлундөн кужис передайтны пламеннөй большевиклысь образсө.

Менем ёна помнитчисны сылөн кывъясыс, кодъясөн сийө шыөдчис аслас коман-диръяс динө:

— Презирайтөй рабство, кызди смерть, радейтөй революция, кызди олөм!

Тайө кывъясыс кыпөдисны мейн ыджыд волнение.

Дыр кезлө колис памятьын батько Боженколөн, Щорс боевөй друглөн да ёртлөн, сийө комбриглөн героическөй образыс. Народнөй самородок оз төд военнөй наука. Сийө оз төд топографическөй картаяс, но босьтө ярюгыд победаяс враг вылын. Сийө побеж-дайтө сийөн, мый төдө, мый вöсна тышкась, төдө

да аддзө, кодъяс народлөн збыль врагъясыс.

Фашистскөй бандитъяс мөвпалөны уськөдчыны миян страна выль войнаөн. Но оз, налы оз удайтчы пөкөритны социалистическөй рөдина, некор налы не пөртны миянөс рабъясө. Революция, ассыным социалистическөй рөдина ми радейтам кызди и ассыным олөм, презирайтам рабство кызди смерть.

Юркин.

## БОГУНЕЦЪЯС МУНӨНЫ АТАКАӨ

Көдзаяс таялөма. Зловещөй биясөн öйөны селянскөй хатаяс. Мамлөн вөлины пиян, дедлөн вөлины внукъяс—абу найө. И пыр жө—„Мед олас гражданскөй война!“—кылө Щорслөн гөлөс. Полкъяс подхватывайтөны тайө горөдөмсө сы вöсна мый война мунө олөм вöсна, свобода вöсна да народлөн шуд вöсна—медся колана, медся справедливөй война...

Фильм сетө вунөдлытөм впечатление. Сийө дзонь-нас босьтө зрительсө, сетө сылы ыджыд волнуйтана чувство. Гражданскөй война сувтө аслас став величиенас. Мамъяс благословляйтөны ассыныс пиянсө мунны коварнөй врагкөд тышө. Щорс знамя улө локтөны дзор старикъяс да том детинкаяс. Враг динө

ненависть биөн öйө Ук-раина.

Со легендарнөй герой Щорслөн славнөй богунецъяс мунөны атакаө. Немтор оз вермы сувтөдны налысь ватисксө. Оз вермыны сулавны кыпөдчөм нарөдлы паныд ни германскөй оккупационнөй армия, ни петлюровскөй бандаяс. „Ура“ юралө Украинскөй степъясөд...

Фильм велөдө радейтны миянлысь социалистическөй рөдина, воспитывайтө помтөм лөглун на динө, кодъяс көсйөдны панны вель война миян странакод, велөдө лоны сэтшөмөн, кутшөмөн вөлины народнөй геройяс Щорс да Боженко.

Анна Макарова, Коми писательяс союзын секретарь.

## США-са печать Китайын японскөй политика йылысь

НЬЮ-ЙОРК, 20. (ТАСС). Американскөй газета „Геральд трибюн“ ошкө Гулансуө американскөй да английскөй десант четчөдөм. Газета предлагайтө решительнөя отклонитны „Япониялысь наглөй требование Шанхайын междуна-роднөй сеттльмент вылын ассыыс контроль установи-төм йылысь“.

„Нью-Йорк таймс“ га-зет гижө, мый Япония оз вермы артавны иностраннөй финансовөй отсөб получитөм выль, медым эксплуатируй-тны Китайлысь природнөй бо-гатствояс, сийө кө кутас игнорируйтны Западнөй державаясысь Китайын пра-вояс да интересъяс.

## КИТАЙЫН ВОЕННОЙ ДЕЙСТВИЕЯС

ЦЕНТРАЛЬНӨЙ КИТАЙЫН

Хэнань провинция лун-выв юкөн фронт вылын китайскөй войска 48 час чөжся бой бөрын босьти-сны Тунбо (Синьянысь 90 километрөн рытывылын) Тунбо вöсна тышъясын японецъяс воштісны 4 сюрс саяс мортсө. Китайскөй частъяс Тунбо окрестностъясъс уна сиктъяс босьтө-мөн, водзө преследуйтөны японецъяссө. Китайскөй войскалөн мөд юкөн май 14 лунө Танхэ босьтөм бө-рын (Тунбоысь рытыв-вой-вылын) мунө лунвывлань. Онi лонi төдса, мый китайскөй частъяс Танхэ район-ын бой местаясь өктисны японецъяслысь 400 саяс шой да 70 конки пулемет. Танхэ да Цзяоян кост рай-он дзикөдз весалөма япо-нецъяссысь.

ЛУНВЫВ КИТАЙЫН

Китайскөй частъяс, кодъ-яс наступайтөны Синьхөй выль (Кантон лунвылын), матысмисны кар окраинаяс дорө.

Тайө лунъясө японскөй войска вөчисны Болоын (Кантонысь асыввылын) ки-

тайскөй позицияс выль наступление, но найөс вөли венөма.

Кантонысь рытыв-войвы-лын китайскөй войска бось-тисны уна пункт да мунөны водзө Цзянцуньлань.

Сватоу дорын сосредото-читөма 30 японскөй воен-нөй корабль.

\* \* \*

Май 17 лунө китайскөй авиация бомбардируйтис Ханчжоу окрестностъясъс японскөй позицияс. Жугөдөма японскөй военнөй склад. Китайскөй самолөтъя-слы паныд петисны 6 японскөй истребитель. Сынөд-вывса бойын серъезнөя по-вредитөма 2 японскөй са-молет. Китайскөй самолөтъя-сся благополучнө воисны асланыс базаө.

Сийө жө лунас китайскөй самолөтъяс чорыда бомбар-дируйтисны Сицзянысь (Кан-тонысь рытывылын) японскөй позицияс. Жугөдөма уна японскөй обороннөй укрепленияс да повреди-төма 4 японскөй канонерка.

Врио. отв. редактора Г. И. ТОРЛОПОВ

## УСЛОВИЯ

### приема студентов в Коми Педагогический Институт в 1939 году

Педагогический Институт (4 года обучения) готовит преподавателей средней школы, педучилищ и рабфаков.

В Пединститут в 1939 году прием производится на факультеты: исторический, языка и литературы, физико-математический и естествознания.

В Педагогический Институт принимаются граждане в возрасте от 17 до 35 лет, имеющие законченное среднее образование (средняя школа, рабфак, техникум) либо получившие аттестат об окончании средней школы в порядке экстерната. Лица, окончившие среднюю школу и рабфак с аттестатом отличника, принимаются без экзамена.

ПРИМЕЧАНИЕ: а) лица, окончившие до 1935 г. школу II ступени (девятилетку), допускаются к приемным испытаниям в высшие учебные заведения наравне с окончившими среднюю школу;

б) лица, окончившие техникум, училище, допускаются к приемным испытаниям в высшие учебные заведения с отрывом от производства при наличии у них установленного законом 3-х летнего производственного стажа.

Указанный стаж не требуется от лиц, включенных в 5% выпуска каждого техникума, согласно постановления ЦИК и СНК от 15 сентября 1939 года;

в) лица, с незаконченным высшим образованием при наличии аттестата об окончании среднего учебного заведения, допускаются к приемным испытаниям на общем основании в соответствии с настоящей статьей.

Все остальные лица подвергаются приемным экзаменам по русскому языку (письменное сочинение, грамматика, литература), истории народов СССР и Конституции СССР, математике, физике, химии и одному из иностранных языков. Кроме того, поступающие на исторический факультет держат экзамены по географии.

Заявления о принятии в Институт принимаются с 20 июня по 1 августа.

К заявлению необходимо приложить:

- Подобную автобиографию.
- Аттестат об окончании среднего учебного заведения (в подлиннике).
- Три фотокарточки с собственноручной подписью поступающего на каждой из них, заверенные государственным учреждением.
- Справку об отношении к воинской обязанности (для военно-обязанных).
- Паспорт (предъявляется лично).

Приемные испытания производятся с 1-го по 20-е августа, а зачисление в число студентов с 21-го по 25 августа.

Все поступающие проходят медицинский осмотр в комиссии при Пединституте. Лица, принятые в Институт, обеспечиваются стипендией и общежитием. Члены семьи студентов квартир не обеспечиваются.

При Институте организовано консультационное и справочное бюро для поступающих в Институты. Бюро дает устные и письменные справки и консультации всем желающим поступить и готовящимся к поступлению в Институты.

ДИРЕКЦИЯ.

Адрес: г. Сыктывкар, Коммунистическая ул., Пединститут. 3—3.